

# Knoalster dialektwedstried

GRON. DAGBLAD 25-3-93

■ **STADSKNOAL** – Zeuvende joargang van Knoalster dialektwedstried het n record baarg inzendens opleverd. t Wazzen der 222. n Taiken dat der nog altied genog laifheerberij is om es n moal wat Grunnegers op pepier te zeten. Bienoa drijkwart van inzendens zat in jongste leeftiedsgroep. Der wazzen wel veul slim kor̄te stukjes bie.

In de groep tot en met twaalf joar binnen dizze raaize 154 waarkstukken binnen kommen. Dat was n haile lezerij. Het lukte jury om drai prieswinnoars aan te wiezen. Daarde pries ging dit joar noar de twaalf-joarege Ivette Dijk uut t Alteveer. Twijde pries ging noar de tien-joarege Wendy

Potze uut de Harpel en de eerste pries ging noar de tien-joarege Elze Volders uut Onstwedde. In twijde leeftiedsgroep, van dattien tot achttien joar, kwammen zeuventien inzendens op batterij. t Nivo was leeg. Ie begriepen t aal: net als veurig joar weer gain priesen. Kommen wie bie groep 3, de minsen van achttien joar en older. Daarde pries was veur t verhoal 'Winterkeuninks' van A. Streuding uut Onstwedde. Twaide pries ging noar A. Edens uut Knoal en eerste pries was net als veurig joar veur Tjeerd Bosklopper uut Troapel. Burgemeester Henk Rebel van gemainte Stadsknool raikte in n stampvol Geert Teis de priesen uut.